

**Date – 01/02/2025**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. Tun thla ni 12 a Mizoram district pakuaa Village Council leh Local Council inthlanna awmtur atan candidate te ngawrh takin an campaign mek.**
- 2. Mizo Hockey player Lalremsiami'n Mizorama hockey in hma a sawn theih nan khelmual tam zawk an mamawh a ti.**
- 3. Vawiinah Union Finance minister Nirmala Sitharaman-I chuan Union Budget 2025-26 Parliament-ah a pharh dawn**
- 4. National Games Uttarakhand-a neih mekah Nazareth Lalthazuala'n Wushu ah Bronze medal a la a, Mizoram tana Medal la thei hmasa ber a ni.**

<><><>

**SEC**

**Tun thla ni 12 a Mizoram district pakuaa Village Council leh Local Council inthlanna awmtur atan candidate te ngawrh takin an campaign mek zel.**

**Aizawl Municipal Corporation huam chhungah local council bial 575 a awm a, LC inthlan chuhtu zawng zawng hi 1,664 niin, bial hauh bik awm lo 418 awmin he'ng bial chuhtu hi mi 1,215 an awm a. Hmeichhe tana hauh bik bial 157 chuh turin mi 449 an awm bawk.**

**Lunglei Municipal Council huam chhungah bial 148 a awm a, he'ng zinga duh duhin an chuh theih bial 116 awmin, candidate 312-in an chuh anga, hmeichhe tana hauhbik bial 38 ah chuhtu mi 108 an awm bawk a ni.**

**Village Council thlanna tur district pakua ah hian VC 544 awmin, bial 2,416 a awm a, hmeichhe tana hauh bik bial 613 a awm bawk. VC inthlan chuh tumtu chu mi 6942 niin, unreserved bial 1803-ah chuhtu mi 5,267 awmin, hmeichhe tana hauhbik bial 613-ah chuhtu mi 1,675 an awm bawk a ni.**

**Lawipu LC a ZPM candidate Pu Ismael Jongte, kum 60 chu a boral avangin, a aiawhtu tur tihfel leh nghal a nih thu SEC thuneitute chuan an sawi a. Aibawk lama ZPM candidate tho pawh scrutiny leh last date of withdrawal a zawh hnu January ni 28 khan a boral a. Bialtu MLA ngenna angina January ni 29 khan a aiawh tur an dah leh a.**

**Hemi chungchangah hian Mizoram Pradesh Congress Committee te chuan January ni 30 a press conference an neihna ah, ZPM in Thiak VC candidate boral aiawh an dah chu a lo tling a, dan lo anga hmalakna a awm anih chuan, an bawhzui tur thu an sawi a. SEC erawh chuan final candidate list**

anla tarchhuah loh avangin Thiak candidate boral ta aiawh tur an siam chu pawm theih anih thuin Congress party te chu an chhang tih an sawi.

<><><>

#### BUDGET SESSION

Mizoram Legislative Assembly budget session, thla thar February ni 19 atanga tan tur chuan March ni 20 thleng a aw h ang.

March ni 4 ah Chief Minister leh Finance Minister Pu Lalduhoma'n kum 2025 atanga 2026 inkara Mizoram State budget tur a pharh dawn a ni.

Assembly Speaker Pu Lalbiakzama kaihhruai Business Advisory Committee (BAC) thukhawmin a rel angin Session tan ni ah hian Larsap Gen Rtd Vijay Kumar Singh an thu a sawi dawn a, Session hun chhung hian zawhna leh chhanna bakah Minister Demand te leh Sawrkar bill pawimawh hrang hrang pass tuma sawiho a ni ang.

Assembly atanga thudawn danin tun dinhmunah session chhunga sawiho tur Bill pakhat a lut tawh a, Bill dang hi a luh zel beisei niin zawhna pawh luh belh zel beisei a ni.

Tuna sawrkar kum hman lai mek kum 2024 leh 2025 inkar atana budget cheng nuai sing 1 & 4276 chu nikum February ni 27 khan Chief Minister leh Finance Minister Pu Lalduhoma chuan a pharh a, kumina budget hi pung hret tura ngaih a ni.

<><><>

#### LALREMSIAMI

Mizo Hockey player Lalremsiami'n Mizorama hockey in hma a sawn theih nan khelmual tam zawk an mamawh tih a sawi.

Lalremsiami hian Mizorama District Association hrang hrang tana Hockey stick tha chi leh ball 120 a pe a. Kan corr in a kawmnaag Lalremsiami chuan Mizoramah Hockey in hma a sawn zel theih nan Khelmual an mamawh tam hle a, District tinah awm thei se tun aia hma an sawn chak zawk a beisei tih sawiin state chhungah phul phah chung a inkhelh theihna hockey khelmual pathum chiah a awm chungin tun dinhmun an thleng thei a ti a, Mizo naupang tuizia leh nuam an tihzia a hmuhin phurna a pe tih sawiin Muallungthu-a Hockey khelhna hmun phul phah chu tha hle mahse tui pekna a awm loh avangin chhiat mai a hlauawm a ti a, tun aia tha zawka enkawl ni se a duh tih a sawi bawk.

India Senior team tan vawi 156 a khelh atanga Goal 31 thun tawh Kolasib nula Lalremsiami Hmar chuan kum 2036-a India in Olympic Games thlen a tumna thlir chung a thil ti a ni a ti a, Mizoram hockey in hma a sawn zel theih nan leh India in Olympic a thlen chuan Mizo a tam thei ang ber tel se a duh tih sawiin Hockey chu hnam dang khelh tur chauh niloin Mizote tan kawng a awm tih hriaa theitawpa pen chhuak turin thlalaite a chah bawk.

Kumin January 26 khan Hockey India buatsaih Womens League vawi khatna khelh zawh a ni a, Lalremsiami hi Rarh Bengal Tigers tan khelin thla khat pawh tling lo chhungin Rs nuai 25 a hlauh a, a sum hmuh atangin Mizoram hockey tanpuina atan a luangchuak a ni. Lalremsiami bakah hian

Bengal Tigers team-ah Mizo pahnih Marina Lalramnghaki leh Lalrinpuii Pachuau an tel bawk a ni.

Mizoramah District zingah Khawzawl tih loh District dang 10 ah Hockey Association din a ni a, District tinah hian Lalremsiami chuan Flush company-in ama puala a bika an siamsak, a hming leh a jersey hak thin number 20 chuanna Hockey stick 20 theuh a pek bakah Ball 12 zel a hlan tel a, Hockey stick leh Ball a semchhuah hlutzawng hi a vaiin cheng nuai 7 leh sing 6 vel a ni.

<><><>

#### MAMIT MZP

MZP Headquarters Mamit te chuan JNV school Luangpawla an Principal Gopal Verma leh PT Miss Anshay singh chu insawn chhuak turin an hriattir.

MZP hruaitute sawi danin JNV thawk tura MR an lak Mizo hmeichhe pakhat chu ningani khan an Principal chuan chhan leh vang awm lova a ban nia hriat ani a, MZP hruaitute leh Police leh Magistrate lam an kal nghal a, buaina sosang lovin an tin thei a ni.

JNV school ah hian SDC Pi Grace Lalremdiki Sailo hovin sawihona neih nghal a ni a, ban an tum tak Mizo chuan thil thlen dan sawiin, PT miss hian hostel chu pawn lamah a kalh khum thin a, tun hnai lirnghingah khan an mangan avang leh tlan chhuahna a awmlah avangin kalh khum tawhlo tura a tih hnuah pawh ala kalh khum zel avangin tala a dahbova. PT miss hian Principal hnena a zualko hnuah Mizo nu hi bang tura hriattir a ni.

MZP hian Principal leh PT Miss hi a rang thei ang ber a sawn nghal tur a an tih chu, Magistrate kalte hian Chairman District Bawrhsap hnenah lo thlen an tiam avangin nizan dar 11:30 pm khan an tin darh thei a ni.

<><><>

#### AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

#### BUDGET

Vawiinah Union Finance minister Nirmala Sitharaman-I chuan Union Budget 2025-26 Parliament-ah a pharh dawn a. Tum tum hi Pi Sitharaman-I hian budget a pharh tum riatna tur a ni ang.

Prime Minister Narendra Modia chuan Budget Session lo awm tur chuan kum 2047-a ram changkanga India siamna turah inrintawkna a pe ngei ang a ti. chanchinbumite hmaah he thu hi sawiin Pu Modia chuan kum 2047 ah chuan India chuan zalenna aneih atangin kum 100 a tling tawh ang a. Viksit Bharat-a a thil tum te a ti hlawhtling tawh ang a ti bawk.

<><><>

## ECONOMIC SURVEY

Kum 2025 ah ram sum dehchhuahchu zaa 6.4-a pung tura chhut a ni. Nimin Parliament tanniah Union Finance Minister Nirmala Sitharaman-I'n Economic Survey a pharhah he thu tarlan a ni a. Agriculture leh service sector-te hnathawh avangin ram sum leh pai dinhmun chuan nghet takin hmasawn lam a pan zel a ti a. Survey-a tarlan anih danin thil siamchhuahna manufacture sector lamin hniam lam an pan hret tih sawiin hei hi khawvel huapa thil thlengte leh tualchhung dinhmunin a nghawng a ni a ti bawk. Economic Survey hi ramchhung eibar dinhmun thlirletna leh hun lo kal tura a dinhmun thlirlawkna a ni a. Department of Economic Affairs hnuai Economic Division ten Chief Economic Advisor kaihhruaina hnuai an buatsaih thin a ni a.

<><><>

## CEA

Chief Economic Advisor (CEA) Dr.V.Ananth Nageswaran chuan agriculture chu hun lo kal tura ram sum dehchhuah ti pung tu tur a ni a ti. Dr.Nageswaran chuan GDP-a agriculture thawh chu zaa 0.75 atangin zaa 1 a pung thei turin theihna zau tak a awm a ti a. Micro-irrigation pawh a let thumin a thang tih a sawi bawk a ni.

Hmasawna ruhrel din kawng pawh dinhmun tha tak chuankai a ni tih sawiin airport siam belh a ni a, rel kawng tha siam anih bakah lawng chawlhna te tihchangtlun zel a ni a ti a. Telecom leh power sector lamah pawh nasa takin hmasawn a ni a ti bawk.

<><><>

## NATIONAL GAMES

National Games vawi 38-na Uttarakhand-a neih mekah Mizoram tan Nazareth Lalthazuala'n Wushu ah Bronze medal a la a, Mizoram tana Medal la thei hmasa ber a ni.

Zemabawk East tlangval Nazareth Lalthazuala hi Wushu (under 56 kg) huangah a khel a, bronze medal a la ni. Nazareth Lalthazuala hian pre-quarter bye-in quarterfinal a lut nghal. Quarterfinal-ah hian a thlengtu Uttarakhand tumin game a thunun hneh hle a, round hnih bak khelh ngai lo in a chak a, semifinal-ah Punjab mi a hmachhawn leh a, 6-5 in a vanduai zawkah a tang a ni.

National Games hi Uttarakhand District 8-ah thlen darh tir a ni a. Discipline tam zawk chu an khawpui Dehradun-ah nghah a ni a. Mizoram qualify-na sports discipline pawh khaw 4-ah sem darh a ni a. Dehradun-ah hian Archery, Athletics, Weightlifting, Wushu leh Judo te an khel a ni.

## VC

*Mizoram Contingent-ah hian Mizoram atangin National Games ah player 66 an kal a, Discipline 12 ah inelna an hmachhawn dawn a, Technical Official, Coach leh Manager 20 kal nen a vaiin Mizoram Contingent mi 94 National Games ah an kal a ni.*

*Deputy Chief De – Mission Pu Joseph Thansanga chuan an beisei danah Taekwondo, Football, Hockey, Boxing, Judo leh Weightlifting ah Medal lak ngei an inring a ti a, Gold la tur chuan vanduai leh vanneih inkar anih avangin chian*

*a har tih sawiin Gold 4 atanga 5 vel la turah an in beisei a ti a, Category 27 ah Medal lak theihna an nei tih sawiin an vanduai anih loh chuan a pumpuiah medal 10 vel lak theih an in beisei tih a sawi bawk. Pu Joseph Thansanga kan kawmna lo ngaithla ang.*

<><><>

**PRESIDENT**

**President Draupadi Murmui chuan khawvel dinhmun nghet lo leh buai tak karah India chuan sum leh pai, mipui mimir khawsakna leh politics ah nghet taka dingin khawvel entawn tur a chhawp a ti. Parliament in hnih member thukhawm hmaah vawiin khan President Murmui chuan he thu hi sawiin hun lo kal zel turh chhuan lo awm turten India chu kum 2047-ah chuan ram chak, theihna nei tha leh hausa takah an siam ang a ti.**

**President Murmuu-i chuan a sawrkarin hmasawmna kawngah chak takin a kal tih sawiin mipuiten hamthatna an chan vek theih nan insiamthatna, hna thawh that leh inthlak danglamna hmathlira nei chungin an kal zel a ti.**

**President Murmu-I chuan kum hmasa lamah ram hmasawmna tura sum dah capital expenditure chu cheng vaibelchhe nuai 11 chuang anih thu sawiin hei hi ram chanchina a la tam ber a ni a ti a.**

<><><>